

欽定四庫全書

普濟方卷二百五十一 明 周王朱橚 撰

諸毒門

解毒 附論

凡人跋涉山川不諳水土人畜飲啖誤中於毒素不知方多遭其斃豈非枉橫耶然而大聖久設其法以救活之正為貪生嗜樂忽而不學一朝逢遇便自甘心竟不識其所自今述神農黃帝解毒方好事者少留意焉

欽定四庫全書

普濟方

解毒諸毒例

解一切毒 止鼻衄吐血祛煩躁

用藥王搗汁飲驗其苗莖青色連葉摘之有乳汁

治沙蟲溪毒

以栗樹皮煎汁服之

辟溪毒

養蒼鵝以辟之

治黃毒去心下結



以甘藍作菹經宿漬色黃和塩食之	治溪毒	以天羅勒按碎傳之	解惡氣瘴毒 <small>出聖 惠方</small>	犀角 羚羊角 雄黃 麝香 並水磨服解之	方	解毒丸 治大人小兒一切諸毒吐瀉迷亂欲死時疫 脫胎諸驚積熱山嵐瘴氣毒四方人不服水土	欽定四庫全書 普濟方	貫衆 茯苓 黃藥子 葛根 生地黄 甘草 大豆 滑石 薄荷 縮砂仁 陰地蕨 川 芎 土馬踪 人參 菘荳粉 寒水石 紫河 車 茵陳 益智 馬勃 草龍膽 山豆根 川百藥子 白殭蠶 雄黃 白礬 大黃 青 黛 <small>各五錢 並生用</small>	右為細末生蜜為丸如彈子大每服一九新水化下	小兒半丸
----------------	-----	----------	--------------------------------	---------------------	---	---	---------------	---	----------------------	------



又解毒丸 <small>出濟生 拔萃</small> 崇善治男子婦人及小兒一切積聚 停留作毒上焦壅熱咽喉不利口乾多渴伏暑煩悶 及霍亂或山嵐瘴氣及食毒酒毒吐逆不定諸風毒 或昏困不省人事虛煩發躁赤眼口瘡善解四時傷 寒疾發散瘟疫毒邪之氣及四方人不伏水土一切 毒並皆解之常服此藥補真益氣化毒除風神效不 可細述	
滑石	黃芩 貫衆 茯苓 山梔子 乾薑 <small>一作</small>
欽定四庫全書 <small>普濟方</small>	
<small>乾</small> 葛 草龍膽 大豆 青黛 甘草 薄荷 寒水	<small>石</small> 兩 <small>各一</small> 益智仁 縮砂仁 大黃 山豆根 生
地 桔梗 百藥煎 紫河車 粉花 <small>即荳 粉也</small> 馬勃	板藍根 黃藥子 <small>各五錢</small>
右為細末煉蜜為丸如彈子大每服一丸新汲水化 下細嚼或含化亦得小兒半丸如婦人血暈不省生 薑和水磨下一丸一方無滑石青黛為衣仁宗皇帝 差人白內侍省陳頭供奉官劉元吉以李漢臣所進	



解毒保命丹賜狄青

保命丹 一名化毒丹  
出御藥院方 耑解諸毒酒毒山嵐瘴毒菓毒肉

麵毒魚菜毒冬月丹毒夏月暑毒傷風後餘熱小兒

瘡疹毒及喉閉之患有名毒並皆治之

貫衆 茯苓 黃藥子 藍根 乾葛 地黃

雄大豆 甘草 滑石 縮砂 陰地蕨 薄荷

各二兩 土馬駝 菴荳粉 益智 寒水石 山

豆根 紫河車 馬屁勃 草龍膽 白殭蠶

欽定四庫全書

普濟方

百藥煎 山梔子 大黃 各一兩

右各去土水洗淨焙乾為細末水浸蒸餅為丸如彈

子大每服一丸細嚼新水送下小兒一丸分作四服

煎薄荷湯放冷磨下小兒急驚磨水下更在臨時看

病大小加減服之此藥常宜攜帶以備急若月頻服

便諸疾不生神效不可盡述

神仙解毒丸 出經驗良方 耑治一切諸毒

青靛花 一斤 大黃 山豆根 自然銅 黃藥



<p>白藥 貫衆 楮實子<small>即穀樹子</small> 山梔子 山茨茹</p> <p>黃連<small>各十兩</small> 扑硝<small>三錢</small> 滑石<small>七斤</small> 芭蕉<small>自然汁</small> 鉛光石</p>	<p>右為極細末糯米煎糊同芭蕉汁和藥搗一二千杵 多作餅陰乾不使見日不然折去料可作一千五百 丸却用鉛光石打光不然煉光亦可丸如龍眼大如 諸般骨鯁并水磨下一丸作勢一吞即下答腮焮腫 咽喉飛錫麻油調下酒毒腸風下血薄荷湯磨水下 赤眼腫疼并水磨下金蠶蠱毒用黃連水磨下蛇犬</p>	<p>欽定四庫全書 普濟方</p>	<p>蜂螫蜈蚣毒用水磨塗傷處誤竹木刺并水磨下解 般惡毒用新汲水磨下此藥收得年深愈神效又云 合用白色新磚厠坑浸一年愈久愈妙厠窖底磚只 須水洗淨不必煨燒細研五斤為細末同前藥為丸 太乙追命丸<small>一名奪命丸 出聖惠方</small> 嵩治百病若中惡氣心腹脹 不得喘息心痛疾積聚臏脹疝瘕不消宿食作逆嘔 寒熱瘰癧蠱毒婦人產後瘵疾方</p>	<p>蜈蚣<small>一條</small> 丹砂 附子<small>炮製去皮臍</small> 礬石 雄黃 藜蘆</p>
--	--	-----------------------	--	---



鬼白 <small>各一分</small> 巴莖	右為末煉蜜丸如麻子大一服二丸日一服傷寒一 二日服一丸當汗出綿裹兩丸塞兩耳中下痢服一 丸塞下部蠱毒服二丸在外膏和摩病上在膈下痢 有瘡一丸塗之毒自出產後瘀疾一丸耳聾綿裹塞 耳一方無丹砂用溫酒服	鷄腸草散 <small>出千方</small> 崑解諸毒	鷄腸草 <small>三分</small> 升麻 <small>各四分</small> 芍藥 當歸 粉草	欽定四庫全書 普濟方	各二分 圭一分 藍子一分 合	右下篩水服方寸以多飲水為佳若為蜂蛇等毒蠱 所螫以針刺螫上血出著藥如小莖許於瘡所自瘡 為射傷箭中所削竹如釵股長一尺五寸以錦纏繞 水沾令濕取藥內瘡中隨瘡深淺令至底止如有血 出即休若服藥有毒水服方寸以毒解痛止愈	神仙解毒萬病丸 <small>出百一選方</small> 崑解一切藥毒忌草菘菌蕈	金石毒喫自死馬肉河豚發毒時行疫氣山嵐瘴瘧
--------------------------	--	------------------------------	--	---------------	----------------	--	--	----------------------



急喉閉纏喉風脾病黃腫赤眼瘡癰衝冒寒暑熱毒 上攻或自縊死落水打折傷死但心頭微暖未隔宿 者並宜用生薑蜜水磨一粒灌之須臾復甦癰疽發 背未破及魚臍瘡腫毒湯火所傷百蟲犬鼠蛇傷并 東流水磨塗并服一粒良久覺痒立消打撲損傷 折炒松節酒磨下半粒仍以東流水磨塗男子或中 顛邪狂走女人鬼氣胎并宜暖酒磨下一丸可分兩 服有毒即吐或痢毒盡自止昔有一女子久患勞瘵	欽定四庫全書 普濟方	病為血尸虫所噬磨一粒服之一時即吐下小虫千 餘條一大者掙為兩段後只服蘇合香丸半月遂愈 如常至牛馬六畜中毒亦以此救之無不效	文蛤 <small>三兩淡紅色者槌碎洗淨</small> 紅牙大戟 <small>一兩洗淨</small> 山	茨菰 <small>二兩淨即鬼灼</small> 續隨子 <small>一兩去殼秤研細裹</small>	麝香 <small>三錢研</small>	右將前三味焙乾為細末入麝香續隨子研令勻糯 米粥為丸每料分作四十九粒於端午七夕重陽日
---	---------------	---	---	--	-----------------------	--



合如欲急用辰日亦得於木白中杵數百下不得婦人孝子不具足人鷄犬之類見之切宜秘惜不可廣傳輕之則無效○如癰疽發背未破之時用冷水磨塗痛處并磨良久覺痒立消陰陽二毒傷寒心悶狂言亂語胸膈壅滯邪毒未發及瘟疫山嵐瘴氣纏喉風冷水入薄荷一葉同研下○急中顛邪喝叫亂走鬼胎鬼氣並用煖無灰酒下○自縊落水死心頭煖者及驚死鬼迷未隔宿者並冷水磨灌下○蛇犬蜈

欽定四庫全書

普濟方

蚣傷並冷水磨塗傷處○諸般瘡疾不問新久臨發時煎桃柳磨下○小兒急漫驚風五疳八痢蜜水薄荷小葉同磨下○牙關緊急磨塗一丸分作三服如丸小分作二服量大小與之牙關痛酒磨塗及含藥少許吞下○湯火傷東流水磨塗傷處 傷損打撲炒松節無灰酒下○年深日近頭疼太陽疼用酒入薄荷雜磨紙花貼太陽穴上○諸般癰疾口面喎斜唇眼掣眨夜多睡涎言語蹇澁卒中風口噤牙關緊





急筋脉攣縮骨節風腫手脚疼痛行止艱辛應是風	氣疼痛並用酒磨下有孕婦不可服其方五倍子 <small>五十</small>	<small>兩</small> 大戟 <small>七兩</small> 山茨菰 <small>十兩</small> 續隨子 <small>十兩炒</small> 麝香 <small>五錢</small> 療	溺水死者王排岸云紹興府師有施此藥者渠一子	溺水已死用此法救之遂甦○凡人居家或出入不	可無此藥真濟世衛家之寶如毒藥嶺南最多若遊	宦嶺表纔覺意思不快便服之即安二廣山谷間有	草曰胡蔓草又名斷腸草若此藥人急水吞之急死	欽定四庫全書 普濟方	緩水吞之緩死又取毒蛇殺之以草覆上以水洒之	數日菌生其上取為末酒調以毒人始亦無患再飲	酒即毒發立死鷄豚魚羊鵝鴨等肉內下藥復食此	物即觸發急服此藥一粒或吐或痢隨手便瘥其俗	淫婦人多自配合北人與之情相好多不肯逐北人	回陰以藥置食中北人還即戒之曰于某年來若從	其言即復以藥解之若過期不往必斃矣名曰定年	藥北人屆彼亦宜誌之若覺着毒四大不調即便服
----------------------	---------------------------------------	---	----------------------	----------------------	----------------------	----------------------	----------------------	---------------	----------------------	----------------------	----------------------	----------------------	----------------------	----------------------	----------------------	----------------------



<p>之危氏方內全蠟<small>五枚</small>大山豆根<small>五錢</small>硃砂雄黃<small>各二錢</small></p>	<p>紅牙大戟<small>洗焙七錢五分</small>一名方有續斷乳香各辟毒再生</p>	<p>丹</p>	<p>解毒丸<small>出三方</small>因<small>方</small>嵩治誤食毒草并百物毒救人於必死</p>	<p>板藍<small>四兩乾者</small>貫衆<small>一兩剉</small>青黛<small>研</small>甘草<small>生各一兩</small></p>	<p>右為末蜜丸梧子大以青黛別為衣如稍覺精神恍惚惡心即是誤中諸毒將藥十五丸爛嚼用新水送</p>	<p>下浸炊餅為丸尤妙如常服可三五丸大解暑毒</p>	<p>欽定四庫全書 普濟方</p>	<p>甘草飲<small>出千金方</small>嵩解鳩毒及一切毒藥不止煩懣</p>	<p>甘草<small>各四分</small>蜜<small>各四分</small>梁米粉<small>一升</small></p>	<p>又以水五升煮甘草取二升去滓歇大熱納粉湯中</p>	<p>攪令勻調納白蜜更煎令熟如薄粥適寒溫飲一升</p>	<p>解毒散<small>出余居士百選奇方類</small>不問是毒藥服之虫皆吐出神效</p>	<p>石菖蒲 白礬</p>	<p>右等分為末新汲水調二錢不過兩服必效一方煎</p>	<p>甘草湯調下</p>
--	---	----------	--	---	---	----------------------------	-----------------------	--	--	-----------------------------	-----------------------------	---	---------------	-----------------------------	--------------



青黛雄黃散

出醫方大成

諸凡始覺中毒及蛇虫咬癰疽纔作服此令毒氣不聚

上好青黛

雄黃

等分

右為細末新汲水調下二錢

砂草油方

治人食毒物及患惡瘡

礪砂

四兩

甘草

四兩

右用真香油一斤於磁瓶內浸藥遇患急令患人服油一小盞立效浸久尤佳

欽定四庫全書

普濟方

二藤酒

出聖惠方

治解腹內諸毒并解一切毒

都淋藤

黃藤

長握取二虎口長三寸并細剉

右以酒三大升都入小罌罐中密封漫火圍四邊燒之令沸伺溫乃溫服常有酒色無禁忌若不獲已欲食俚人食者先取甘草一寸炙令熟嚼嚙汁若食著毒藥即吐依前法治之若徑含甘草而不吐者非也宜常取甘草十數載身帶之以自防嶺南人將生熟物並於火上炮炙食之永無慮若席上撒藥卧著因



汗入肉最難治可常自將淨席隨身乃匙筋甘草并  
解毒藥行為妙 昔有席辨刺史常言嶺南俚人解  
毒藥並是常用物畏人得其法乃言三百頭牛藥或  
言三百兩銀藥辨久住彼與之親狎乃得其實凡欲  
食先取甘草一寸炙熟嚼嚙汁若中毒隨即吐出乃  
用都淋藤黃藤二物酒煎令溫服之常服毒隨大小  
洩出都淋藤者出嶺南高三尺餘甚細常所謂三百  
兩銀藥也又常帶甘草隨身以備緩急

欽定四庫全書

普濟方

解中毒似覺胸心煩悶狀如錐刀刺痛不可忍宜速吐

之方

出聖  
惠方

生犀角屑

一分  
生玳瑁  
一分

右為細散以新汲水調下一錢頻服之以吐為度

治一切毒入腹不可療

及馬  
汗方

用新葶藶子一兩炒研以水一升湯浸服取下惡血

解一切毒方

出千  
金方

用母猪屎和服之一方用水三升二合和米粉飲之



治發熱諸毒煩悶 及解熱麪毒
取枸杞葉煮汁解之
解諸毒方
用橄欖生噉及煮飲並解之如誤食鯨鮫鮫肝至迷悶者其汁立瘥
治一切毒 <small>出聖惠方</small>
用戟藍實 <small>兩四</small> 白花藤 <small>兩四</small> 出雋州者上不得取野葛同
欽定四庫全書 <small>普濟方</small>
生者切以水七升酒一升煮取半空腹頓服之少悶勿怪單乾藍搗末服之瘥
解諸毒卒得鬼打
取粟米粉水攪服之亦主熱腹疼鼻衄並水煮服之
治毒氣攻手足腫疼以及下部毒攻生瘡者 <small>出肘後方</small>
用檉樹皮和榭皮合煮汁如飴糖以樺皮濃煎汁絞飲服之
治蟲蛇毒



取女青苗即雀飄白服汁良一方取倉鵝糞服之  
療下一切冷毒風氣

取蒜獨頭者一枚和雄黃杏仁研為丸空腹飲下三  
丸靜坐少時患鬼氣者當汗出即瘥

治剥馬皮骨刺破中毒欲死

出德生堂

取剥馬腹中糞及馬尿洗以糞敷之大驗絞汁飲之  
效

治服漆毒發

欽定四庫全書

普濟方

飲鐵漿及服黃櫨汁并甘豆湯良食蟹並可治

又方

用赤白地錦草洗曝乾為末米飲下一錢立效

治中鵝毒氣欲絕者

出十便良方

用葛粉三合水三中盞調飲之如口噤者以物揭開

灌之葛氏方止用粉

治天行毒病衄鼻即是熱毒下血數升者

出醫方大成

取好墨為末以鷄子白丸如梧子大用生地黄汁服



解諸毒方 <small>出危氏方方見本門 解金銀銅鐵石毒類</small>	獨勝散 <small>出危氏方</small> 崑解藥毒蠱蛇毒	用大甘草以真麻油浸年歲愈多愈妙甘草用有節 去土細嚼或以水煎服神效	蠱退散 <small>出經驗良方</small> 崑治一切諸毒	用蠱退紙不拘多少以麻油燃燒存性為末新水調 下一錢頻服凡諸中毒面青脉絕昏迷如醉口噤吐	欽定四庫全書 普濟方	血服之蘇亦治牛馬誤喫花蜘蛛腹脹欲死者用兩 大匙新冷水調下頻服灌下喉必效一方無麻油療 蠱毒新汲水調服或瀉便安	療出血解野毒方	用鴨項煮汁飲之瘥	解山瘴溪毒	用牯羊角為末水煎服之一方燒之去蛇毒	解中毒及能治挑生方 <small>出傳信十用方</small>
--	------------------------------------	-------------------------------------	------------------------------------	--	---------------	---	---------	----------	-------	-------------------	------------------------------------



一日之毒中人即席狂亂五內如刀攪割不遇時死  
此一種最急亦以易治且以人頭垢用水調或洗頭  
巾水灌之吐出即愈

二日之毒中人半日發其候精神昏忽腸胃攪刺霍  
亂吐瀉經夕而卒以遠處茆根下黃土攪冷水灌解  
三日之後毒中人似稍緩今兇人多用之被中者頗  
難知其初覺惡心減食暨毒發大槩數傷寒候肢節  
疼倦或作寒熱多唾皮膚習習痺覺如針鉗刺人又

欽定四庫全書

普濟方

如被蜂蠆螫痛至甚着床啞而死此毒中人亦不可  
過兩日後發即取田中蟊螟三十枚洗淨作鱠食之  
臨卧服碎蟊螟數枚冷水投之天明瀉解諸湯毒

又方

用地黃汁一盞溫熱灌之

解諸般中毒危卒等病證

出德  
生堂

用甘草一束長大約一尺許不論多少用麻繩繫拴  
三度安在厠屋糞缸內底下聽其諸淨手擔去糞必





存留一年之餘取出拴繫長流水中洗去糞穢三日  
後切細晒乾碾為末恐有臭氣入麝香少許不問是  
何諸毒喉閉乳蛾口舌惡瘡中蠱菌毒之証悉皆治  
痘瘡不發服少許效竹筒中帶行有急時即塗傷處  
治百毒

以鳧茛搗汁一升

一方 治露氣生於股根近小腹痛

用獨核肥皂去子煨熟細搗加石灰同搗勻傅立去

欽定四庫全書

普濟方

一方

用五葉草根葉搗薑塩酒浸服名五對草三對草

一方

用同治骨碎補生蘿蔔生薑同搗傅治腋下毒

一方 治鬚毒

用生腿根直者名露氣橫者名鬚苦蕒菜椎傅愈

又方 治鐵蛇毒生手足指尖節上

用大葉香薷并刺瓜者搗縛傅



一方 氏出 方鮑	蛭蚰毒石菖蒲或地蜈蚣或赤葉地錦搗傳效
一方 氏出 方鮑	蜂窠毒燒蜂窠為灰麻油調傳一方用艾汁傳效
一方 氏出 方鮑	火帶毒似龍帶而以小龍芽草入酒一二滴搗傳
一方 氏出 方鮑	瀉
欽定四庫全書	普濟方
治熱毒	以白麻油一合鷄子二顆芒硝一兩攪服之少時即
又方 氏出 方鮑	用藍青按汁入雄黃麝香傳
又方 氏出 方鮑	用鴉鵲飯草按汁縛傳
又方 氏出 方鮑	用山薊醋調傳



狐狸刺毒以五葉蛇草蘿蔔同搗傅或加倒摘刺肉  
橘實核皆效取甘草咬咀濃煮多飲其汁

雄黃散 治中毒亦救蛇虺毒尤佳

雄黃不拘多少為末入麝香少許麥門冬湯調下出  
舌數寸者亦治

玉訣牛蒡 涼風解毒

用牛蒡子不拘多少炒為末水煎一錢服

蟹解漆毒

欽定四庫全書

普濟方

乾道五年襄陽有劫盜當死而特旨貸命點配者州  
牧慮其復為人害既受命以生漆塗其兩眼囚行到  
荆門已盲不見物寄禁長林縣獄以待傳送適有村  
叟以事在獄中憐而語之曰汝明日去時倩送者往  
蒙石及尋蠚搗碎之濾汁滴眼內漆當隨汁流散瘡  
亦愈矣如其言訪得一小蠚用之流三日而行目睛  
好略無損傷朱晞顏時以當陽尉攝邑令親見之  
生漆惹人成毒



用椒葉煎湯洗鷄黃塗白松菜解

桐油誤食成毒

飲熱酒解乾柿及甘草亦可

治諸中毒衆藥不能解者

急以野人肝研水灌下立解

一方  
出本  
草

用太平州白芷不拘多少研為末以麥冬湯調服

一方  
出本  
草

欽定四庫全書

普濟方

用秦皮濃煎服或蚌粉滑石貝母末傳亦可

誤飲蜈蚣交水毒者方

陳齋郎胡州安吉人因涉春渴掬澗水兩口嚥之數

日覺心腹微痛日久疼甚服藥醫診之云心脾受毒

今心脉損齋答云去年涉春渴飲澗水得此病醫云

齋郎喫却蛇在澗邊遺下不淨在溪水內蛇以成形

腹中食其心而痛也遂以水調雄黃服之果下赤蛇

數條皆能走也春秋二時龍帶精入芹菜中遇食之



欽定四庫全書

普濟方

為病發時手青肚滿痛不可忍作蛟龍病服硬糖三  
二升日二度吐出如蜥蜴三二便瘥一方用錫粳米  
穀以人乳餅煮粥食之吐出為度外臺秘要云蛟龍  
病者三月八月近海及水邊回食生芹菜為蛟龍子  
生在芹菜上食入人腹變生龍子須慎之其病發似  
癩面色青少腹脹狀如懷妊宜食方以寒食飴錫三  
升日三服之吐出蛟龍有兩頭及尾開皇六年又賈  
橋有人喫錫吐出蛟龍大驗無所忌也明皇雜錄云  
有黃門奉使交廣回周顧謂曰此人腹中有蛟龍上  
驚問黃門曰卿有疾否曰臣馳馬大庾嶺時當大熱  
困且渴遂飲水覺腹中堅痞如杯周遂以硝石及雄  
黃煮服之立吐一物長數寸大如指視之鱗甲皆具  
投水中俄頃長數尺復以苦酒沃之如故以器復之  
明日已生一龍矣上甚訝之

解毒丸 解世間不測一切等毒

山豆根

兩三

板藍根

兩二

甘草

炙四兩

山茨菇

兩三

土馬驢

兩三

土馬驢

兩三



玉霜圓

出華陀中  
藏經中

崑鮮一切毒

牙硝

半斤

朴硝

半斤

礞砂

四兩

白礬

二兩

右四件火鎔鎔成汁傾入地坑之內為末龍腦二兩  
研水半盞令生蜜調一錢小兒量虛實服玉函方無  
朴硝只三味入藍實半斤至妙

中毒門評

諸凡中藥毒及一切諸毒從酒得者難治言酒性行諸  
血脉流徧身體也因食得者易治言食與藥俱入於胃  
胃能容雜毒又隨大便泄出毒氣毒氣未流血脉故易  
治也以毒即歸藏飽者毒氣未能深入故宜急解凡解  
諸食毒爛嚼甘草嚥之則毒吐出矣

方

犯天麥毒方

齊州有人病狂每謔曰五靈華蓋曉玲瓏天府由來  
汝府中惆悵此情言不盡一丸蘿蔔火吾宮又謔曰  
踏陽春人間二月雨和塵陽春踏盡秋風起腸斷人



<p>間白髮人後遇一道士作法治之乃云夢中見一紅裳少女引入宮殿皆紅紫飾小姑令謂道士曰此正犯天麥毒女則心神小姑脾神也按醫經蘿蔔治麪毒曰火吾宮即以藥并蘿蔔食遂愈</p>
<p>治溪毒中毒</p>
<p>以知母連根葉搗作散服之亦可服水搗取汁飲二升夏月出行多取此屑自隨欲入水先取少許投水上流便無畏兼辟射工亦可和水作湯浴之甚佳</p>
<p>欽定四庫全書 普濟方</p>
<p>治諸蠱毒</p>
<p>用小蒜五月五日採者上食之不可常食</p>
<p>解諸藥毒蟲蛇及諸蠱毒</p>
<p>右以大粉草寸段剉以芝麻油透愈久為妙收之遠行漳泉福建川廣間有中毒即嚼三兩段得吐即無害</p>
<p>又方</p>
<p>生茶葉<small>焙</small> 生甘草<small>焙</small> 生白礬<small>乳鉢研為末</small></p>





<p>右等分為細末每服一大錢以新汲水調下若中毒一月其毒自大便下若中蠱毒即吐出肉塊次服補藥生糯圓用糯米粉以烏猪膽汁為丸如梧桐子大每服三十粒熟水吞下</p>
<p>解一切毒 用縮砂仁生韭汁藍實各單用水調下淡豉葱麥門冬水煎服卒中毒有藥者生蘇油一盞吐下毒</p>
<p>治中蠱毒 <small>出本草</small> 欽定四庫全書 普濟方</p>
<p>用生蒼耳七個白礬一兩皂角子嚼塗咬處須男子嚼之放藥於腫處</p>
<p>一方 <small>出本草</small> 用雄黃不拘多少蒿苳汁和作餅子候乾為末每用少許貼瘡口立效或以酒調雄黃末傅之亦得</p>
<p>解毒散 <small>出本草</small> 用山鵲將酒服</p>
<p>治中諸毒煩悶 <small>出本草</small></p>



用掘地作坎以水沃其中攪令濁俄頃取飲之即解	解毒人卒不得生藍汁者 <small>出本</small>	以浣縑布汁解之亦善	解諸毒物入腹 <small>出本</small>	以鐵漿服之	解一切毒 <small>出本</small>	以臘雪少溫服之	解諸毒藥及蟲 <small>出本</small>	欽定四庫全書 普濟方	以車渠玳瑁一片等分作人乳磨服極驗	治一切毒氣及蛇傷 <small>出本</small>	以獨行根磨服之應是着諸般毒悉皆吐出	治一切草毒 <small>出本</small>	用白藕豆生嚼及煎湯服取效	治諸惡蠱狐尿刺毒山溪中沙虱射工等毒 <small>出本</small>	以葱煮汁浸之或搗傅中效	治嶺南人以藍頭合毒有中之者 <small>出本</small>
----------------------	------------------------------	-----------	--------------------------	-------	------------------------	---------	--------------------------	---------------	------------------	----------------------------	-------------------	-------------------------	--------------	-------------------------------------	-------------	---------------------------------



以麝香作服之	治諸毒熱煞蛇毒除驚怖恍惚 <small>草 出本</small>	以草犀根燒碎服臨死者服之得活	治解一切毒氣虎狼所傷溪毒野蠱等毒 <small>草 出本</small>	以百丈青煮服亦搗絞汁服	解諸毒物 <small>草 出本</small>	以萍子曝乾為末酒服方寸	治人中毒 <small>草 出本</small>	欽定四庫全書  普濟方	以小蒜煮汁服之	治溪毒 <small>草 出本</small>	以紫珠煮汁服之 <small>一名紫木</small>	解諸毒蠱毒腫毒蛇虺蠱狂犬毒并瘡除血長膚者	飲汁一方多年乾者搗末沸湯沃汁服之	以尿新者最效須與水和服之乾者燒之煙絕水漬	破棺湯 <small>草 出本</small> 崑治諸毒辛惡熱黃悶欲死者	以藍蛇尾作脯與食之即解其蛇頭毒尾良也
--------	-------------------------------------	----------------	---	-------------	-----------------------------	-------------	-----------------------------	-------------------	---------	----------------------------	--------------------------------	----------------------	------------------	----------------------	---	--------------------



治瘴毒 <small>草 出本</small>	以蚺蛇肉作鱠食之良
殺蠱毒 <small>草 出本</small>	以鰻鱺魚乾燒炙之令香食之三五度即瘥一方為末服之長服尤良
去熱煩解毒調中氣令人肥健又主馬血毒入肉 <small>草 出本</small>	以甜藤搗絞汁和米粉作糗餌食之甜美
去蟲蛇蠱毒 <small>草 出本</small>	欽定四庫全書 普濟方
以大蒜生食之	解蜈蚣毒及蜀椒毒
用桑汁及煮桑根汁並解	治狐狸刺毒
用煮大豆令多飲甘汁無大豆豉亦佳	又方 解狼烟毒入口
用飲少醋解	治剥驢馬血入肉毒



用赤檉木以火炙熨之亦可煮汁浸之效一名河柳  
風毒腫出聖惠方

沉香 木香 薰陸香 雞舌香 麝香 紫檀

香並皆治之

中藥毒 附論

神農嘗百草一日而遇七十毒以辨相得相反相惡畏至於有毒無毒各有制治然藥無毒則病不瘳內經所謂知毒藥為真者乃用藥之要也昧者語有服食當究其

欽定四庫全書

普濟方

毒以制治之猶巴豆之用黃連半夏之用生薑是也甘草能解百藥之毒大有神妙有人中烏頭巴豆毒甘草入服即定中藜蘆毒葱湯下咽便愈中野葛毒土漿飲訖即止如此之事其驗如反掌方稱大豆汁解百藥毒每令試之大懸絕不及甘草又能加之為甘豆湯其驗尤甚有人服玉壺丸治嘔不能已百藥與之不止藍汁入口即定○又云凡受毒者或魚肉飯中得之則易治飲酒得之則酒氣散歸百脉難治若在胸膈作楚則用



稀延散吐之若在腹中作楚急服雄黃丸瀉之徐服參  
苓白朮散無恙矣仍忌鷄鵝肉數日為妙又云凡煮諸  
藥汁解毒者不可熱飲諸毒得熱更甚宜使小冷為良  
○夫有大毒之藥不可入口鼻耳目即殺人者一曰鈞  
吻生朱崖二曰鳩又名鴉狀如黑雄鷄生山中三曰陰  
命赤色著木懸其子生山海四曰海姜狀如龍赤色生  
海中五曰鳩羽狀如鶴雀黑項赤喙食蝮蛇生海內但  
彼此諸毒藥發動狀皆似勞黃頭項強直背痛而欲寒

欽定四庫全書

普濟方

四肢痠洒毛悴色枯肌肉纏急神情不樂又欲似瘴病  
或振寒如瘧或狀熱似時行或吐或痢多若頭痛又言  
人齒色舌色赤面多青者並著藥之候也嶺外俚人別  
有不強藥不藍藥有焦銅藥金藥菌藥此五種藥中人  
者亦能殺人但此毒初著不能知欲知是毒非毒初得  
便以灰磨洗好熟銀令淨復以水楊枝洗口齒含此藥  
一宿卧明旦吐出着之銀黑者是強藥銀青黑者是藍  
藥銀紫班者是焦銅藥此三種但以不強藥最急毒若



熱酒食裏中者六七日便死冷酒食裏中者著經半月始可知爾若冷銀銀色不異而病候與著藥之狀不殊心疑是欲得知者可食鯉魚食畢此毒即發亦空腹取銀含之可兩食頃出著露下明旦看銀色若變便黑即是藥毒又言取熟鷄子去殼令病人齒勒齒鷄子白處亦着露下若齒痕處黑即是也又言覺四大不調即飲酒空腹食炙鷄炙狍鴨等觸犯令藥發即治之便瘥若久未治毒侵腸胃難復攻治也若定知著藥而四大未

欽定四庫全書

普濟方

羸者取大戟長三寸許為末水服必大吐痢若色青者是焦銅藥色赤者是金藥吐菌子是菌藥此外雜亦無定色但小異常爾又有兩種毒藥名當孤草其著人時脉浮大而洪病發時惡寒頭為痛乾嘔背迫急口不覺嚼舌大小便秘澁面色眼眶唇口指甲背青是也又別一種當孤草毒者其病發時口禁而乾舌不能言咽喉如錐刀刺胸中甚熱體脾滿悶不至百日身體唇口手足背青而死又着烏頭者其病發時咽喉強而眼睛疼



鼻中聞臭手脚沈重常嘔吐腹中熱悶唇口青顏色	乍青乍赤百日乃死凡人若色黑骨大肉肥者皆胃厚	則勝毒若瘦者則胃薄不勝毒也○凡藥毒及中一切	毒皆能變亂於人為害亦能殺人但毒有大小可隨所	犯而解救之若毒重者令人咽喉腫強而眼睛疼痛鼻	乾手脚沉重常嘔吐唇口習習腹裏熱悶顏色乍青乍	赤經久則難療其輕者身體習習而痺心胸涌渴然而	吐或利無度是也但從酒得者難治言酒性行諸血脉	欽定四庫全書 普濟方	流徧身體故也食得者易治言食與藥俱入於胃胃能	容雜毒又隨大便泄出毒每未流於血脉故易愈也若	覺有前諸候便以解毒之藥救之	方	蜂巢散 治藥毒吐後	土蜂巢 <small>炒研末</small> 赤小豆 糯米 粟米 藍實 <small>四味</small>	<small>并生用</small> 猪苓 <small>去黑皮</small> 薺萘 <small>各剉</small> 馬蘭花 <small>乾者</small>	各二兩	右為散每服三錢以溫水調下空心日晚服一方入
----------------------	-----------------------	-----------------------	-----------------------	-----------------------	-----------------------	-----------------------	-----------------------	---------------	-----------------------	-----------------------	---------------	---	-----------	---	---	-----	----------------------





猪糞炒焦

解諸藥毒預含方 出聖方

水銀 一兩以棗肉研令星盡 膩粉 一兩五錢 不灰木 一兩搗研細羅為末揀淨

鷄子 三枚 藍根 一兩搗羅為末 生薑汁 二合

右以臘日拌和入瓷罐內掘地坑埋至端午日取出

用軟飲和丸如紅豆大每服以甘草汁生米泔嚼下

一丸瘥

丹砂丸 解藥毒蠱毒等疾

欽定四庫全書

普濟方

丹砂 研 雄黃 研 附子 炮去皮臍為末各二兩 鼓 六十粒炒 巴豆 十六

粒去皮心膜 麸紗去油

右細研巴豆并鼓前三味煉蜜和搗數百下丸如豆

瓷瓶蜜收每服二丸煖蜜酒下

解諸毒藥傷人方 出聖方

石南根 五錢 商陸 五兩切晒 肉桂 一兩去 甘草 一兩生用

猪牙皂角 三兩去皮絲炙令焦黃去子

右搗篩為散每服五錢以水一大盞煎至五分去滓



溫服之以吐瀉為度令吐在盆中要得看驗只得喫  
粥將息為妙

解毒丸 出聖  
惠方

銀星礬石 金星礬石 太陰玄精石 雲母粉

不灰木 以生糞燒灰令通  
赤已上各二兩

右用藥四味炭火燒令通赤與不灰木同入盆下蓋  
出火毒一宿後細研如粉入龍腦二錢更研令勻以  
糯米粥和丸如紅豆大每服一丸以生薑汁少許并

欽定四庫全書

普濟方

新汲水研破服之

婆婆石丸 出聖  
惠方 崇解藥不論年月深淺立瘥

婆婆石 猪血 各五錢 雄黃 麝香 乳香 各一分

右研為末用軟飯并猪血和丸如梧桐子大每服以  
溫水研下二丸又含一丸即吐出病根瘥如不吐即  
以內消也於端午日午時合如急要即取辰日辰時  
合亦得

防已解 出千  
金方 崇解芫花毒方



防己 防風 去蘆 甘草 生剉 桂 去粗皮  
各一兩

右為末散每服二錢以冷水調下連併三服一方單  
用一味亦可解之

椒豆飲 出百一選方 崑解砒毒韜丸傳

漢椒 九粒 黑豆 十四粒 烏梅 二分 甘草 碎之三寸

右水一碗煎七分溫服

白扁飲 一名巴豆靈膏出危氏方 解砒毒等

用白扁不拘多少為細末入青黛等分細研再入甘

欽定四庫全書 普濟方

草末少許巴豆一枚去殼不去油另研為細末取一  
半入藥內以炒糖一大塊水化開添成一大盞飲之  
毒隨利去後用五苓散之類

金星地蟾散 出聖惠方 崑解毒藥

金星地蟾 末二錢 婆婆石 五分 牛旁根 一兩切 竈下黃

土 一兩

右為細末每服以熱酒調下一錢服之

藍根飲 解毒藥



藍根 <small>對一握</small> 蘆根 <small>對一握</small> 菘豆 <small>研一分</small> 澱脚 <small>研一合</small>	右先將藍根蘆根以水一碗煎至七分去滓次後二 味和勻分三服或一二服利下惡物不用再服	承氣湯 <small>出十便</small> 良方 <small>出十便</small> 崑治吐却惡毒物後覺胸心安穩即服	此	茯苓 <small>一兩</small> 麥門冬 <small>去心一兩</small> 人參 <small>去蘆頭一兩</small> 青竹茹 <small>五分</small>	右為末每服五錢以水一大盞入棗三枚煎至五分 去滓溫服日三服一二兩日內且宜食粥	欽定四庫全書 普濟方	麥門冬飲 <small>出千金方</small> 崑治一切藥毒發不問草石始覺惡心	生麥門冬 <small>去心二兩</small> 葱白 <small>切三兩</small> 豉 <small>二兩</small>	右剉如麻豆大以水七盞煎取三盞半去滓分三服 食頃再服之	椿皮飲 解一切藥毒	椿白皮 東柳枝 <small>并細剉各二合</small> 阿魏 <small>好者少許</small>	右以水三盞同煎取一盞去滓空心頓服吐出惡物 即瘥吐後服蜂窠散
--	--	--	---	---	--	---------------	---	--	-------------------------------	-----------	---	----------------------------------



甘草飲 治中藥毒心痛煩悶 甘草 <small>生剉</small> 二兩 粉草 <small>研</small> 一兩 白蜜 五分
右以水六盞先煎甘草減半內葛粉并蜜更煎三兩 沸去滓溫分三服如食頃再服
辨毒散 治一切毒及藥毒 阿魏 <small>研</small> 青鹽 <small>研各</small> 一兩 甘草 <small>生剉</small> 三兩
右為散如遇有毒物處每日空心沸湯點服一錢若 食著毒物立便吐出
欽定四庫全書 普濟方
中諸藥毒方 甘草 <small>生用</small> 黑豆 淡竹葉
右等分剉散水一碗濃煎服之
粉草飲 凡中藥毒即用生黑豆數粒食之間醒者即 非中毒若是吐出逆煩躁服藥須極冷即解也解中 藥毒蟲毒悶亂吐血煩躁
甘草 <small>一兩</small> 白礬 <small>五錢</small> 延胡索 <small>一兩</small>
右為細末每服五分水一盞煎至六分去滓放冷細



細呷之

解諸藥毒人中毒

以金釵股煮汁服之亦生研更烈必大吐下如無毒亦去熱痰

解毒丸 治中藥毒心腹切痛不可當欲死者有救藥

不及死後身黑是中毒之証

大棗 二枚 去核 巴豆 三十七粒 去皮 心膜不出油

右共研勻只作四丸以大鍼穿就麻油炆焰上熏黑

欽定四庫全書

普濟方

用瓷合貯遇中毒者每服只一丸隨所中毒物汁嚥下不得嚼破一二時辰取下毒其毒即緊包裹所服藥下或不知所中毒物即以茶清一大盞放溫嚥下甘草湯 以中藥毒心膈煩悶甚者如錐刺痛不可忍宜速吐之

甘草 生用 二兩 白藥 一兩 一錢

右細剉以水三盞同煎至二盞去滓候頓服以吐出惡物為度吐了後再單煎甘草一味服之尤佳



歸魂散

一名礬茶散出  
廣南衛生方

嵩解中藥毒煩躁吐血腹內口

內如錐針刺

白礬 草茶

各一兩  
一錢

右搗研為散分作三服用新汲水調下連服之立解

此藥入口其味甘甜不覺苦味者是中藥毒也得吐

即效不吐再服一方用白礬臈茶末水調下治菌毒

解百藥毒方

出千  
金方

用甘草薺萇大小豆汁藍葉根實絞取汁服之並瘥

欽定四庫全書

普濟方

解野葛毒方

出千  
金方

如若以口噤者以大竹筒盛冷水注

兩脇及臍上煖輒易之口須臾開則後藥入口便活

以生薺萇汁解之又用鷄子三枚葛根汁甘草汁鴨頭

熱猪血鷄屎人屎各絞取汁服之並瘥

解烏頭天雄附子毒方

出千  
金方

用大豆汁遠志防風棗肉飴糖並能解之一方專用

遠志防風二味投大豆汁調下一方專用防風棗肉

濃煎湯服之亦可



解半夏毒方

出千  
金方

用生薑汁及乾薑服之良○唐崔魏公云鉅夜暴亡  
有梁新聞之乃診之曰食毒僕曰常好食竹鷄竹鷄  
多食半夏苗必是半夏毒命生薑搗汁折齒而灌之  
活○浙人王夫人忽日面生黑班日久滿面俱黑遍  
求醫不效忽遇一草澤醫人云夫人中食毒矣治之  
一月平復後覺其方止用生薑汁糊為丸服之問其  
故云食班鳩蓋此物常食半夏苗中毒薑汁解之

欽定四庫全書

普濟方

解葶藶葉中有毒者

煮甘草汁服之

解狼毒方

出千  
金方

用杏仁藍白欵塩木占斯各絞汁調服瘥藍汁亦解

解巴豆毒方

出千  
金方

用煮黃連大豆生藿小豆藿葛蒲屑及煮寒水石各  
件取汁並皆可服甚良

解蜀椒毒方

出千  
金方





用葵子汁蒜桂汁豉汁人尿冷水土漿飲之一方以 鷄毛燒吸煙及水調服一方用棗子解之更含薺萋 並瘥一方專用葵子汁桂汁豉汁同和服之
解斑猫荒青毒方 <small>出千 金方</small>
用猪膏大豆汁戎塩藍汁服之一方用塩湯煮猪膏
巴豆飲之一方用大小黑豆汁服之並瘥
解葭蓉毒方 <small>出千 金方</small> 嵩治食葭蓉悶亂如卒中風或似熱 盛狂病服藥即劇
欽定四庫全書 普濟方
右飲甘草汁及藍青汁即愈一方治中砒毒用藍汁 同甘草汁飲之
解鈎吻毒方 <small>出千 金方</small> 嵩治鈎吻毒困欲死面青口噤逆冷 身痺 <small>肘後 方云</small> 鈎吻菜萇食芥相似而所生之傍無他 草莖有毛誤食之殺人
用薺萋八兩咬咀以水六升煮取三升如人體冷服 五合日三夜二濃汁為妙一方煮汁飲之一方噉葱 汁尤佳



解毒方 解中一切毒藥口唇麻目暗心腹如刀刺或吐出血
用石綠不計多少研細每服一錢研萊菔之汁調下立吐得毒出即服和氣藥調補
升麻湯 治藥毒吐出
用升麻半兩為散食後及夜卧溫水調下一錢七服半月夜一切毒藥入口即便吐出宜常
太白散 解藥毒
欽定四庫全書 普濟方
用山芋三兩為散每服二錢以新汲水調下日三服
殭蠶散 解一切藥毒
用白殭蠶直者炒為散每服一錢以粥飲調下吐出毒物瘥一方用酒醋水三般同為一盞煎五七分溫服
解野葛毒 解一切藥毒 <small>方見本門 解毒丸</small>
麻仁飲
用大麻仁五合研如膏入水二盞攪令勻取汁飲之



解躑躅毒方 <small>出千 金方</small> 用梔子仁四兩為散冷水調下二錢若未效再服	解藜蘆毒方 用雄黃一兩細研煎葱汁調下一錢如未效再服一 方用溫湯飲之並解一方用冷酒服解一切毒	解甘遂毒方 <small>出千 金方</small> 用大豆粉不拘多少去皮以水研取汁每服一盞未 效再服一方大小黑豆水調服解一切毒	欽定四庫全書 普濟方	解大戟毒方 <small>出千 金方</small> 用菖蒲一兩為散每服二錢以溫湯調下	解杏仁毒方 <small>出千 金方</small> 用藍實不拘多少研取汁水和服之亦解毒藥	解桔梗毒方 <small>出千 金方</small> 用糯米二合洗淨煮白淡湯粥食之	解砒毒鼠莽草毒方 <small>出醫方 大成</small> 用金錦重樓磨水服之即愈又用烏柏根搗水亦好
--	---	---	---------------	---	---	---	---



又用大黑紅豆煮汁服之並瘥  
解射罔毒方

藍汁 竹瀝 六畜血 葛根屑 蚯蚓屎 藕  
根汁 大小黑豆

右各味脩急皆能解散諸毒但以一味二味皆良又  
一方無葛根屑

解砒毒方

用早禾桿燒灰新汲淋汁絹帛濾過冷水服一碗毒

欽定四庫全書

普濟方

從下利即安

解鼠莽草毒方

用玉簪花根研取自然汁半盞灌之如吐再一服一  
方解毒玉簪花根水服之

解砒毒方

用豆豉濃煎湯灌之亦治服藥過劑心中煩悶

獨聖散 治附子河豚烏頭之類一切毒藥并解丹毒

用多年壁土熱湯泡攪之令濁少頃乘熱去脚取飲



不醒人事灌之或掘地以水攪漿水飲之妙一方用 壁土水調服之瘥一方用川白土調服
解巴豆毒方 視其証口渴臉赤熱痢不止諸藥不效 用芭蕉根葉研取自然汁服痢止而安
解鼠莽草毒方 用枯蓮房殼帶梗陰乾咬咀煎水二三碗灌之如無 荷葉中心蒂或用藕節煎湯一碗冷灌之毒即散三 味中隨其物使用之
欽定四庫全書 普濟方
又方 用江豆花研水吞下如無花只用豆亦可
解砒毒方 用伏龍肝為末清油調二錢服之
解毒藥方 用孔雀血生飲之良
如聖散 治中一切藥毒并蟲毒 用石蠟熟水磨之服



解砒毒方 其證煩躁如狂心腹攪痛頭疼欲吐不吐  
面青黑四肢逆冷命在須臾不救方

用菘豆半升搗去滓以汲水調通口服或用真靛花  
二錢分二服以井花水濃調服之又方治悶絕心頭  
溫者新汲水調下服之如神

治中毒衆藥不能解者

急以野人肝研水灌立解

又方

欽定四庫全書

普濟方

用黑鉛井水磨下一方無鉛用青鹽兩塊研井水下

又方 解砒毒亦解巴豆毒

用生麻油一盞飲之不能飲灌之立見起死又煎黃  
連湯服之亦佳以吐為度則其毒氣自不能為害黑  
豆甘草節各熬水服解之

解鼠莽草毒及丹毒方

用旋刺下羊血鵝血鴨血飲之良

礬茶散

解鼠莽毒

方見中  
毒類



又方 解毒藥毒

用大黑豆煮汁服之如欲試其驗先用鼠莽苗葉以  
豆汁澆其根縱其散爛不復生矣一方用紅豆

解砒毒方

用礮米醋多飲之吐出毒解不可飲水一方用人糞  
食之亦可

解附子毒方

用濃煎防風湯飲之良

欽定四庫全書

普濟方

治藥毒

取巴豆去皮不出油牙硝等分合研成膏冷水化一

丸服瘥

又方

用溫猪脂一升飲之

治中諸毒藥及野葛將死方

取新小人屎絞汁和一升服之入腹即活解諸毒無

過屎汁



解諸藥毒

以土芋研水服當吐惡物盡便止

解諸藥及諸草毒方

以黃土地掘一坑以水攪濁飲一二碗即愈

本草謂之地漿

解毒第一方也及解丹石毒

又方 治回回麻藥服多而昏暈者

以好醋解之

又方 治草烏麻吐

欽定四庫全書

普濟方

好醋生薑甘草皆解一方煎甘草生薑自然汁頓服

解一切藥毒及草毒六畜肉中毒

出聖惠方

用白藕豆生晒乾為細末新汲水調下二三錢全椒

醫者高照一子無賴父笞之遂服砒霜自毒大洩利

腹脹欲裂予教照以調此藥隨所與之不數碗即安

如聖散

出肘後方

解藥毒

露蜂房

甘草

各半同用參  
麸炒去麸

右為散用水一盞半煎至八分放溫臨卧頓服明日





取下惡物為妙

二珍散

出廣南四時攝生論

崑解一切藥毒

天南星

三兩為末

黃牛膽

大者一枚取汁若收得陰乾臨用時再用煖水浸軟用

右和如鷄頭大陰乾遇中毒者以汗襪水澄清半盞入塩少許磨下一丸或和即瘥如吐利後氣滿即服

平胃散助之此藥但頭服腹未裂並可治

藍飲子

出危氏方

崑解砒毒及巴豆毒

用藍根沙糖二味相和搗水服之或更龍腦薄荷汁

欽定四庫全書

普濟方

尤妙多進二服

薺萋散

出千金方

崑解一切毒藥

薺萋

一方藍

并花二分七月七日取者為佳

右以藍陰乾搗篩水和服一方寸每日三服

貝齒散

出千金方

治中射罔脯毒及餅臙中毒方

取貝子為末水服不瘥又服一方治食百物中毒以

一枚含之吐出毒物為度

解防葵毒方

出千金方

解藥毒

方見本門解諸藥毒類



解野芋毒方 <small>出千 金方</small>	用土漿人糞服之	解藥毒方 <small>出聖 惠方</small>	用白礬一兩搗為末以新汲水灌之口耳中皆出黑 白勿怪出盡即愈	治中藥毒方 <small>出千 金方</small>	取秦毛二枚燒灰服聖惠用春燕毛二枚燒灰水服 凡中五大毒卒無藥可解者 <small>出外臺 秘要</small>	欽定四庫全書 普濟方	宜用小便飲之	治礪砂毒方	用生菜豆粉不計多少研汁飲之亦解砒毒	化毒散 <small>出余居士 選奇方</small> 治中藥毒吐血或心痛或舌微黑口 唇裂嚼生黑豆不醒	巴豆 <small>一粒去殼 畧去油 研</small> 黃丹 <small>五分</small> 雄黃 <small>一錢 研</small>	右同研用烏鷄子一個打藥白剝煎捲成筒子臨睡 只一服細嚼茶清送下當夜取下毒
----------------------------	---------	---------------------------	---------------------------------	----------------------------	---	---------------	--------	-------	-------------------	--	--	--



解葭蓉毒方

出千  
金方

用薺萇甘草犀角蟹汁升麻各絞汁服並皆治之

凍青飲 解砒毒

用凍葉搗取自然汁添井水服瀕瀉下解

中仙茅附子毒方

鄭長卿資政誥少時隨父太宰官懷州將官服仙茅  
遇毒舌脹出口漸大與肩齊善醫環視不能治一醫  
獨言尚可救少緩無及矣取小刀釐其舌隨合釐至

欽定四庫全書

普濟方

百數始有血醫許善無害也舌應時消縮小即命煮  
附子酒每生切附子一兩浸以汁酒旦起輒飲一盃  
服之二十年後再為陝西漕使誥自太學歸過之南  
縣核中行中途曉寒誥飲一盃竟復令溫半盃酒來  
飲盡自覺微醉乃與妻飲行將數里妻頭腫如斗唇  
裂血流下駐路傍隨行李職醫告之李使黑豆菘豆  
各數合生嚼之且煎湯并飲至曉腫始消誥仍服之  
不輟到安數月失明遂致仕時方四十二歲



藥反中毒方 治諸藥相反中毒

蟬殼蛻 燒灰細研一錢

右冷水調下頻服取效雖面青脉絕腹脹吐血服之即活

解毒藥方

王仲禮嗜酒壯歲時瘡瘡發於鼻延於頰心甚惡之服藥多弗效僧法滿使服何首烏丸當用二斤適其僕識草藥乃掘得之其法忌鐵氣但入砂鉢中藉黑

欽定四庫全書

普濟方

豆蒸熟既成香味可人念所蒸必能去証以頰面初覺極熱漸加不仁至晚大腫眉目耳鼻渾然無別望之者莫不驚畏王之母高氏曰凡人感風癩非一日積吾兒遇毒何至於是吾聞生薑汁赤小豆解毒山豆根黑蛤粉能消腫毒即命僕搗揆薑汁以三味為末調傅之中夜腫消到曉蓋先採何首烏擇焉不精為狼毒雜其中以致此撓也

解百毒



<p>甘草能解百毒為藥之長孫思邈論云有人中烏巴豆毒甘草入腹即定方稱大豆解百藥毒嘗試之效乃加甘草為甘豆湯其驗更速凡欲食先取甘草一寸炙熟嚼咽汁若中毒隨即吐出</p>
<p>治蒙汗毒目瞪不能言如醉</p>
<p>用白藟豆不拘多少為細末用水或溫酒調下亦能解砒礪毒及鳩毒</p>
<p>又方</p>
<p>欽定四庫全書 普濟方</p>
<p>用川中白蟻土如無以厨上多年黃土為末水調服</p>
<p>又方</p>
<p>用鬢邊左挑脚銅錢飛下即是</p>
<p>又方 或急症無藥</p>
<p>以新汲水嚙心上候醒即止</p>
<p>解砒礪毒</p>
<p>以鬱金末二錢入蜜少許冷水調下 升麻濃煎冷服杏核研為細末以米飲調下 白藟豆為末冷水</p>



調下 解砒毒無如醬調水服 寒水石菘豆末以	藍根研水調下 取地漿調鉛粉服之解白芷末調	水下 鬱金末水調下豉豆汁又佳	甘草散 解一切毒藥	用甘草二兩生剉碎用水三碗煎至一碗去滓入菘	豆粉一合打勻再煎數沸入蜜半兩溫服	又方 療諸藥各有相解者今但取一種而兼解衆毒	求之易得者	欽定四庫全書 普濟方	甘草濃煮汁多飲之無不解也又食少蜜佳	解百藥毒	用橫紋甘草截成小塊麻油煎過空心食前後常嚼	久而作效凡食毒藥毒必嘔出皆不為害也 薺萇	解百藥毒以其與毒藥共處皆歇取根搗末飲服藍	汁白匾豆及大小豆并單服用水調服以毒盡即效	驗也	萬露丹 解一切藥毒及蠱毒金蠶等毒
----------------------	----------------------	----------------	-----------	----------------------	------------------	-----------------------	-------	---------------	-------------------	------	----------------------	----------------------	----------------------	----------------------	----	------------------



<p>光明硃砂 <small>一兩須是辰州者</small> 大天南星 <small>為末生黃</small></p> <p>牛膽 <small>一枚取汁如無新者須是陰乾者</small></p> <p><small>用時以溫水浸軟以溫水調開</small></p>	<p>右以膽汁和前二味為丸如皂角子大陰乾如有中諸毒者但頭肚未烈皆可救療服時先取汗腳襪以</p>	<p>新汲水洗汁澄清半盞入塩磨化一丸頓服續以薄粥投之以吐為度其疾永除</p>	<p>解諸藥毒中肉毒合口椒毒野菌毒</p>	<p>用入地乾土水調服並解之東壁土用之功亦小同</p>	<p>欽定四庫全書 普濟方</p>	<p>治合口椒并楓樹上木耳有毒者</p>	<p>以冬瓜蔓生搗汁服</p>	<p>解諸藥毒及利小便</p>	<p>以木通實蜜煎作果食之</p>	<p>治解諸藥毒</p> <p>以陳家白藥水研服之入腹與毒相攻必吐疑毒未止便再服心胸煩熱天行溫瘴並皆治之</p>	<p>治解諸藥毒</p> <p><small>方見本門 解藥毒類</small></p>
---	---	--	-----------------------	-----------------------------	-----------------------	----------------------	-----------------	-----------------	-------------------	--	--



解藥毒蠱毒

以菩薩石用水磨服之

解諸藥毒丹毒菌毒止渴去煩熱

以諸血並生飲之

解諸毒藥腫

用人肝藤生研服之亦傳腫上

治中野葛毒

以羊血飲解之

欽定四庫全書

普濟方

治水銀入肉 令百節攣縮瘳病昔北齊徐玉以此療

以金物火炙熨之水銀得金當出蝕金候金色白者

是也如此數度並瘳

解諸藥菜肉中毒

以白花藤酒漬服之

大豆飲 解一切藥毒消腫下熱氣殺烏頭附子毒

用大豆一升以水二升煮至一升去豆停冷細細飲

之一方用豆飲之





治丹毒丹石發熱

以牛肝和腹內栢葉作生薑醋食之

服藥過劑

附論

夫唯動與過疾所由生故所守不固則邪得以干之以  
五藥內攻使邪不勝正而已然毒藥攻邪不必過劑則  
反傷正氣猶以五味致養稍過亦能為害此理之必至  
也○夫合和湯藥自有限劑至於剗銖分兩不可乖違  
若增加失宜便生他疾其為疾也令人吐下不能已嘔  
欽定四庫全書  
普濟方  
逆悶亂手足逆冷腸痛轉筋若藥不解之亦能致死宜  
速治之則無害也

方

花光散 治服過劑反傷正氣致八邪干心或三蟲作  
蠱及中惡或變為五淋或致於為驚癇或筋攣脉結  
或產婦血暈或胸停客熱並皆治之

瑋瑁屑 二兩 藍實 炒一兩 安息香 別研 琥珀 各一兩

黃 別研 人參 麝香 別研 貫衆 各五錢



右除別研外搗羅為末拌勻每服一錢用溫酒下早  
晚服小兒半錢隔日再服

充德丸 治因寒藥攻大腸急痛或胸藏冷氣或為血

盡霍亂或心脹短氣或羸瘦或腸不解或虛滿遺精

或水腫中惡

艾去梗炒 藿菌一兩 丁香一兩 訶黎勒煨去核 麝香

錢研五 桑白皮根一兩 肉豆蔻去殼 益智子去皮各 薰

陸香別研 五錢

欽定四庫全書

普濟方

右除別研外搗羅為末同拌勻酒煮麪和丸如梧桐

子大每服二十九丸早晚食前溫酒下

藥過劑毒

服附子酒多而毒覺頭重如斗唇裂血流急求黑豆

菘豆各數合嚼之及煎濃黑菘豆湯併飲 服風藥

多悶亂不省醋灌濃煎甘草同生薑自然汁頓飲之

又螺頭青細研新汲泉水調下

又方出千金方 治服藥過劑及中毒煩悶欲死亦解狼毒



以搗藍取汁數升無藍浣青絹取汁飲亦佳一方用藥水調服	黃連湯 <small>出濟生</small> 拔粹 崑治因服藥過多小便不利諸藥莫能效或臍痛悶不可忍	黃連 <small>炒</small> 黃蘗 <small>炒</small> 甘草 <small>各等分</small>	右呔咀水煎溫飲之食前如盡不通加知母此藥助陰使氣得化則通矣	解石藥過劑方 <small>出肘後方</small>	欽定四庫全書 普濟方	黃丹 <small>三兩</small> 芒硝 <small>二兩</small>	以水五升煮取三升分三服得下便愈一用地黃五升煮不用水一方并以藥末摻於舌上遂愈	治藥中有巴豆下痢不止 <small>出聖惠方</small>	乾薑 <small>炮製</small> 黃連 <small>去鬚炒</small> 各一兩	右為細散每服以水調二錢服如人行五里再服	治服藥過劑心中亂悶方 及治諸菜毒	搗生葛根取汁半盞或一盞飲之或以根一兩細剉
--------------------------	---	---	------------------------------	----------------------------	------------	---	---------------------------------------	--------------------------------	--	---------------------	------------------	----------------------



又方 <small>出肘 後方</small>	揚之令沫出取沫五盞飲之未解更作	於屋溜下作坑廣二尺深三尺以水七盞灌坑中攪	又方 <small>出聖 惠方</small>	以黃連末一錢用溫水調服	又方 <small>出千 金方</small>	以鷄子三枚取黃吞之	欽定四庫全書  普濟方	又方 <small>出千 金方</small>	以粳米水研取清汁五升細細服之	又方 <small>出千 金方</small>	犀角散 治服藥過劑心中悶亂 <small>方見解諸飲 食中毒類</small>	搗藜荷汁飲一二升良冬用根夏用莖葉	又方 <small>出千 金方</small>	用乾薑末水和服之用飴糖服之並瘥	水二盞同煎至一盞去滓溫服又方用胡粉水服之
--------------------------------	-----------------	----------------------	--------------------------------	-------------	--------------------------------	-----------	-------------------	--------------------------------	----------------	--------------------------------	--	------------------	--------------------------------	-----------------	----------------------



又方 <small>出聖 惠方</small>	用白鴨屎末和水調服之瘥	治若卒服藥吐不止者 <small>出聖 惠方</small>	以新汲水飲一升即止一方嘔心候醒即止	又方 <small>出本 草</small> 若藥中有巴豆下痢不止	用煮熟豆一升服之即瘥	凡服藥太過熱物相反麻木嘔吐不可解者	用塩炒令紅冷水調下一二錢即甦	欽定四庫全書 普濟方	普濟方卷二百五十一
-----------------------------	-------------	------------------------------------	-------------------	---------------------------------------	------------	-------------------	----------------	---------------	-----------

